

«Қазақстан Республикасының кейбір заңнамалық актілеріне салық салу мәселелері бойынша өзгерістер мен толықтырулар енгізу туралы» Қазақстан Республикасы Заңының жобасы туралы сөз сөйлеу

Құрметті _____ !
Құрметті депутаттар !

Сіздердің қарауларыңызға «Қазақстан Республикасының кейбір заңнамалық актілеріне салық салу мәселелері бойынша өзгерістер мен толықтырулар енгізу туралы» Қазақстан Республикасы Заңының жобасы енгізіліп отыр.

Заң жобасын құрамына Ұлттық кәсіпкерлер палатасы, бизнес-қоғамдастықтардың қауымдастықтары мен мемлекеттік органдар кіретін қазіргі жұмыс тобы қарады.

Ағымдағы жылы Жұмыс топтары отырыстарының барысында 600 жуық ұсыныс қаралып, олардың 225-і Заң жобасында ескерілді. Бұл ұсыныстар Салық кодексі нормаларының біркелкі түсіндірілуі мен айқын емес тұстарын жоюға бағытталған.

Сонымен бірге, Заң жобасында Мемлекет басшысының тапсырмаларын іске асыруға бағытталған мынадай нормалар көзделген.

1. Бизнесті дамытып, кеңейту үшін 2014 жылғы 1 қаңтардағы жағдай бойынша салық төлеушілердің жеке шоттарында есепте тұрған және 2014 жылғы 1 қазандағы жағдай бойынша төленбеген өсімпұлдардың сомаларын есептен шығаруды көздейтін өсімпұл мен айыппұлдардан босату арқылы салықтық амнистия жүргізу ұсынылады.

Өсімпұл мен айыппұлдардан босату арқылы салықтық амнистия жүргізу салық төлеушілерге босатылған қаражатты бизнесті дамытуға және кеңейтуге жұмсауға мүмкіндік береді, осылайша ішкі инвестициялардың әлеуеті күшейеді. Жеке инвестициялық және айналымдық қажеттіліктерді қамтамасыз ету үшін қаржы ресурстарының жеткілікті болмауы кәсіпкерлікті дамытуға кедергі келтіретін негізгі проблемалардың бірі болып отыр.

2. Ауылшаруашылық өнімдерін өңдеуді ынталандыру және агроөнеркәсіп кешені субъектілерінің бәсекеге қабілеттілігін

арттыру үшін оларға салық салу тәртібі реформалануда. Бұл бағытта мынадай нормалар көзделіп отыр:

- өз өнімдерін өңдеу кәсіпорындарына немесе мамандандырылған сервистік-дайындау орталықтарына өткізген жағдайда, қосалқы жеке шаруашылықтардың кірістері жеке табыс салығын төлеуден босатылады – бұл норма 3 жылға енгізіледі;

- ауылшаруашылық өнімдерін ҚҚС төлемейтін ұйымдардан (қосалқы жеке шаруашылықтар мен шаруа-фермерлік қожалықтар) сатып алған жағдайда, сервистік-дайындау орталықтарына ҚҚС-ты субсидиялау енгізіледі – сервистік-дайындау орталықтарын дамытуды ынталандыру мақсатында және ауыл шаруашылығының даму бағдарламасын есепке ала отырып, аталған норманы 2020 жылға дейінгі кезеңде енгізу ұсынылады;

- сонымен бірге, жер учаскелерін ұтымды пайдалану мақсатында шаруа (фермер) қожалықтары үшін бірыңғай жер салығының мөлшерлемесін қоршаған ортаға эмиссия үшін төлемақыдан босата отырып, 1,5 есеге, ал арнайы салық режимін қолданатын ауыл шаруашылығының тауарларын өндіруші заңды тұлғалар үшін 5 есеге арттырылады.

Сонымен бірге, шаруа (фермер) қожалықтары мен жалпыға бірдей белгіленген режимді қолданатын ауыл шаруашылығының тауарларын өндіруші заңды тұлғалар үшін балама ретінде еңбекақы төлеу қоры мөлшерінде шығыстарға салық салынатын кірісті азайту құқығын бере отырып, әлеуметтік салық мөлшерлемесін 6,5%-ға дейін төмендету ұсынылады. Бұдан басқа, ауыл шаруашылығының қызметі бойынша көлік пен мүлікке салынатын салықтан босату ұсынылады.

3. Тиімділігін арттыру мақсатында салық жеңілдіктеріне ревизия жүргізілді, сонымен 1,2 трлн.теңге сомасындағы барлық жеңілдіктен 200 млрд.теңгеден астам сомаға жеңілдіктер алып тасталады. Салық жеңілдіктерінің тиімділігін арттыру мақсатында:

- стратегиялық инвестициялық жобалар үшін мүлік пен жерге салынатын салықтардан босату – норма жұмыс істеген жоқ;

- Қазақстан Даму банкінің жұмыс істемейтін активтерді Қазақстанның инвестициялық қорына беруі кезіндегі жеңілдіктерді;

- корпоративтік табыс салығын (КТС) төлеуден босатылған заңды тұлғалар төлейтін дивидендтерге салық салу бойынша жеңілдіктерді;

- ауыл шаруашылығы техникасы мен жабдығын қоспағанда, қаржы лизингі бойынша сыйақыны корпоративтік табыс салығынан босатуды алып тастау ұсынылады.

Одан басқа, корпоративтік табыс салығын азайту көзделген қызметті жүзеге асыратын заңды тұлғалар үшін амортизациялық аударымдарды есептеуді шекті нормалар бойынша жүргізу және залалдарды кейінгі кезеңдерге ауыстыру мерзімін шектеу ұсынылады.

4. 2013 жылғы 11 қазанда өткен Үкіметтің кеңейтілген отырысында еліміздің Президенті берген тапсырмаларды іске асыру үшін, қаржылық дербестікті және салық базасын ұлғайтуға мүдделілікті кеңейту мақсатында жергілікті өзін өзі басқаруға қазіргі уақытта облыстық және аудандық бюджеттерге түсетін салықтардың мына түрлерін қазынашылық органдарындағы бюджеттен тыс арнайы шоттардың есебіне жатқыза отырып беру бөлігінде Бюджет кодексіне өзгерістер енгізу ұсынылады:

- төлем көздерінде (дара кәсіпкерлерде) салық салынбайтын кірістерден жеке табыс салығы;
- жеке тұлғалардың мүлкіне салынатын салық;
- жеке тұлғалардан көлікке салынатын салық;
- жеке тұлғалардан елді мекендердің жерлеріне салынатын жер салығы.

Одан басқа, салық саясатын жетілдіру саласында мынадай өзгерістер мен толықтырулар енгізіледі:

1. ЭКСПО көрмесін өткізу мақсатында 2017 жылға дейін «Астана ЭКСПО-2017» ҰК» АҚ салық салу бойынша жеңілдіктер беру ұсынылады:

1. аванстық төлемдерді есептеуден босату – техникалық норма, бүгінгі күні «Астана ЭКСПО-2017» ҰК» АҚ корпоративтік табыс салығын төлеуші болып табылмайды, тиісінше, аванстық төлемдерді есептеудің қажеті жоқ;

2. ЭКСПО-ны ұйымдастыру мен өткізу бойынша қызметті жүзеге асыратын заңды тұлғаларға салық салу объектілерін жалға беру кезінде жер салығынан және мүлік салығынан босату;

2. Бұдан басқа, басқа заңнамалық актілермен сәйкес келтіру және жекелеген нормаларды нақтылау үшін мынадай түзетулер ұсынылады:

1. Медициналық көмектің кейбір түрлерін лицензиялау бойынша әкімшілік кедергілерді алып тастауға байланысты лицензиялауға жатпайтын медициналық көмекті ҚҚС-тан босату ұсынылады.

2. Кеден заңнамасында экспорт ұғымы болмағандықтан, КО шеңберінде Кеден одағы шеңберіндегі ренталық салық салу тәртібі нақтылануда.

Салықтық әкімшілендіруді жетілдіру мақсатында салық рәсімдері жеңілдетіледі:

1. ҚҚС төлеушісі, шаруа және фермер қожалығы болып табылмайтын және жекелеген қызмет түрлері бойынша тіркеу есебінде тұрмайтын жеке кәсіпкер ретіндегі тіркеу есебінен салық төлеушінің өтініші бойынша құжаттамалық тексеру мен камералдық бақылауды өткізусіз алу;

2. Тіркеу есебінен алу үшін жеке кәсіпкерлер ұсынатын құжаттар санын қысқарту (жеке кәсіпкердің қызметін тоқтатқандығы, бар банктік шоттардың жабылғандығы, мөрлердің жойылғаны туралы ақпаратты БАҚ-та жарияланғанын растайтын құжаттар);

3. Патент құнының кезекті есептемесін, оны ұсынған мерзімнен бастап алпыс күн өткен соң ұсынбаған жағдайда жеке кәсіпкер ретіндегі тіркеу есебінен автоматты түрде алып тастау;

4. Халыққа қызмет көрсету орталықтары арқылы салық өтініштері (ЖК тіркеу есебі, патент, ПИН-кодты беру, апостиль қою, салық есептілігін ұсыну мерзімін ұзарту) мен салық есептілігі нысандарының (ҚҚС-тан басқа) жекелеген түрлерін ұсыну мүмкіндігі.

Заң жобасын қабылдау салық нормаларын қолдану кезінде туындайтын проблемаларды болдырмауға, бизнес-ахуалды жақсартуға және елдің одан әрі тұрақты әлеуметтік-экономикалық дамуы үшін жағдай жасауға мүмкіндік береді.

Қолдауларыңызды сұраймын.